



ՀԱՐՑ - ՊԱՏՃԱՍԽԱՆ ԱՅԼԱԶԱՆ ԽՈՐՀՈՒՐԴՆԵՐ

ԱՌՈՂՋԱՊԱՀՈՒԹՅՈՒՆ

ԿՐԾՔՈՎ ԿԵՐԱԿՐԵԼ՝ ԿԱՆԱՆՑ ԱՌՈՂՋՈՒԹՅԱՆ ԵՐԱՆՈՒՄԷ

Այդ որ նորածիններին կրծքով կերակրելը առողջարար է երեխայի համար, հանրահայտ է: Իսկ որքանով է այդ հանգամանքը առողջարար նաեւ կանանց համար...



S.Քարսեղյան


ԹՔԻԼԻՍ

Բժիշկները բացահայտել են, որ երեխային նրա կյանքի առաջին վեց ամիսներին, կրծքով կերակրելը մայրերի մոտ զգալիորեն նվազեցնում է շաքարախտի եւ բազմաթիվ այլ հիվանդությունների զարգացման հավանականությունը: Այդ մասին ասված է այն հոդվածում, որը հրատարակվել է JAMA Internal Medicine հանդեսում:

«Մենք վաղուց գիտեինք, որ կրծքով կերակրելը օգտակար է թե՛ երեխային, թե՛ հենց մորը, այս դեպքում մոր մոտ նվազում է խրոնիկական հիվանդությունների զարգացման հավանականությունը: Այն կանայք, որոնք երեխաներին մի քանի ամիս կերակրում են կրծքով, շաքարախտի զարգացման ռիսկը կյանքի առաջացած տարիքում նվազեցնում են մոտավորապես 50 տոկոսով»,- մշել է Օաքլենդի (ԱՄՆ) Kaiser Permanente հոսպիտալի աշխատակցուհի Թրեյսա Ֆլանդրգանը:

ԱՇՏԱՆԳ

ՎՈՐԲԱԼ ԱՂԵՏԸ ԱՆԽՈՒՍԱՓԵԼԻ՞ Է



Հեռուստատեսությամբ հաճախ են լինում հաղորդումներ՝ վերաբերյալ: Առաջ են քաշվում տարբեր վարկածներ՝ սկսած գլոբալ տաքացումից եւ ավարտած մեր մոլորակի ու աստղի ընդհարումից: Այդ վարկածները, արդյոք, ունեն՞ գիտական որեւէ հիմնավորվածություն: :

Ս.Վարդանյան

ԲՈՒՆԻՍ

Գլոբալ աղետի վերաբերյալ վարկածները, իրոք, շատ են: Ստորեւ կներկայացնենք մեկը, որը, մեր կարծիքով, ամենաիրատեսականն է:

ԱՄՆ-ի Երկրաբանական ծառայության գիտնականները պարզել են, որ Երկրի հյուսիսային կիսագնդի հավերժական սառածությունում 793 միլիոն կիլոգրամ սնդիկ է կուտակվել: Գլոբալ տաքացման հետեւանքով սառցի հալումը կհանգեցնի՝ շրջակա միջավայր թունավոր մետաղի արտանետման եւ գլոբալ բնապահպանական աղետի: Հետազոտողների հոդվածը հրատարակված է Geophysical Research Letters-ում:

Հավերժական սառածությունում կա բնական սնդիկ, որն ստացվում է մթնոլորտից եւ հողի մեջ կապվում օրգանական նյութի հետ: Հետագայում գրունտի մասնիկները սառչում, սառույց են դառնում:

Գիտնականները տարրալուծել են 2004-ից մինչեւ 2012 թվականն ընկած ժամանակամիջոցում Ալյասկայում վերցված սառույցի 13 նմուշներ: Ստացված տվյալները համեմատել են ամբողջ աշխարհում տունդրայական հողերի 11 հազար նմուշների հետ: Պարզվել է, որ հավերժական սառածությունում 10 անգամ ավելի շատ բնական սնդիկ կա, քան վերջին 30 տարվա ընթացքում, մարդածին գործունեության հետեւանքով, շրջակա միջավայր արտանետված տարածքում:

Մեծ քանակությամբ մետաղը, որը կազատվի սառույցը հալվելիս, կվերածվի մեթիլսնդիկի՝ թունավոր միացության, որը կուտակվում է կենդանի էակների օրգանիզմում եւ առաջացնում է ծանր խանգարումներ, այդ թվում՝ կենսոլորտական նյարդային համակարգի ախտահարում:

ԶՂՋՈՒՄՈՎ, ԱՂՈԹՔՈՎ ԵՎ ԱՊԱՇԽԱՐԱՆՔՈՎ ՄԵԿԱՐԿԵԼ Է 48-ՕՐՅԱ ՄԵԾ ՊԱՅՔԸ

Հայ Առաքելական եկեղեցու տոնացույցով՝ փետրվարի 12-ին մեկնարկեց 48-օրյա Մեծ Պահքը: Պահքը սկսվում է Բուն Բարեկենդանից եւ տեւում մինչեւ Սուրբ Հարության (Ջատկի) տոն: Պահքի շրջանում օգտագործում են բացառապես բուսական ծաղում ունեցող սննդամթերք՝ հրաժարվելով ոչ միայն որոշակի կերակուրներից, այլեւ մոլի սովորություններից, շատախոսությունից, ստախոսությունից, հայհոյանքից եւ այլ մեղքերից: Կերակրից հրաժարվելն առանց մեղքից հետ կանգնելու՝ անօգուտ է:



«Լեռան քարոզում» Քրիստոսը պահքի մասին ասում է. «Երբ ծոն պահեք, տրտմերես մի լինեք կեղծավորների նման, որոնք իրենց երեսներն այլանդակում են, որպեսզի մարդկանց այնպես երեւան, թե ծոն են պահում, ճշմարիտ են ասում ձեզ, այդ իսկ է նրանց վարձը, այսինքն՝ մարդկանց երեսը եւ նրանցից գովվելը: Այլ երբ դու ծոն պահես, օժիր քո գլուխը եւ լվա քո երեսը, որպեսզի չերեւաս մարդկանց ծոն պահող, այլ քո Հորը, գաղտնաբար, եւ քո հայրը, որ տեսնում է, ինչ որ ծածուկ է, կհատուցի քեզ» (Մատթ. 6:16-18): Զղջումը, աղոթքը, ապաշխարանքը հիմնական պայմաններն են՝ Աստծո բուժիչ եւ քավիչ գործությունն ստանալու:

«Լեռան քարոզում» Քրիստոսը պահքի մասին ասում է. «Երբ ծոն պահեք, տրտմերես մի լինեք կեղծավորների նման, որոնք իրենց երեսներն այլանդակում են, որպեսզի մարդկանց այնպես երեւան, թե ծոն են պահում, ճշմարիտ են ասում ձեզ, այդ իսկ է նրանց վարձը, այսինքն՝ մարդկանց երեսը եւ նրանցից գովվելը: Այլ երբ դու ծոն պահես, օժիր քո գլուխը եւ լվա քո երեսը, որպեսզի չերեւաս մարդկանց ծոն պահող, այլ քո Հորը, գաղտնաբար, եւ քո հայրը, որ տեսնում է, ինչ որ ծածուկ է, կհատուցի քեզ» (Մատթ. 6:16-18): Զղջումը, աղոթքը, ապաշխարանքը հիմնական պայմաններն են՝ Աստծո բուժիչ եւ քավիչ գործությունն ստանալու:

Պահքի 40 օրը խորհրդանշում է՝ անապատում Քրիստոսի քառասնօրյա աղոթքի, ծոնապահության եւ ապաշխարության շրջանը: Իր մկրտությունից հետո՝ Հիսուս «հոգով անապատ առաջնորդվեց ու քառասուն օր փորձվեց սատանայից: Չկերավ ու չխմեց այն օրերին» (Ղուկ. 4:1-3): Քառասնօրյա պահքին հաջորդում է պահոց եւ մեկշաբաթյա շրջան՝ Ավագ շաբաթը: Այդ է պատճառը, որ քառասնօրյա կոչվող պահքը 48 օր է տեւում: Մեծ Պահքն ունի յոթ կիրակի, յոթ հիշարժան օրեր. Բուն Բարեկենդան, Արտաքսում, Անանակի, Տնտեսի, Դատավորի, Գալստյան եւ Ծաղկազարդ:

պասկաղորությունները եւ մատաղը: Սակայն, Վագգեն Ա կաթողիկոսի շրջաբերականով, խիստ անհրաժեշտության դեպքում, թույլատրվեց պասկաղորություն կատարել Մեծ Պահքի շաբաթ եւ կիրակի օրերին, բացառապես՝ Ավագ շաբաթվա բոլոր օրերին:

Եկեղեցական տոնացույցի համաձայն՝ տարին բաժանվում է տոնական եւ պահոց օրերի: Տարվա ընթացքում պահոց 158 օրերի մեծ մասը կարճատե պահքեր են՝ օրապահքեր (չորեքշաբթի եւ ուրբաթ օրերը)՝ ի հիշատակ Հիսուս Քրիստոսի մատնության եւ չարչարանքների եւ շաբաթապահքեր, իսկ առավել ժողովրդականություն վայելող եւ ամենատերկարատեղ Մեծ Պահքն է:

ՀԵՏԱՔՐԹԻՐ Է

ՀՈՒՆՎԱՐԻ ՄԵԿԻՆ ԵՐԿՐԻ ԲՆԱԿՉՈՒԹՅՈՒՆԸ ՀԱՍԱՎ 7,444 ՄԻԼԻԱՐԴ ՄԱՐԴՈՒ



Մոլորակի բնակչության թվաքանակը 2018 թվականի հունվարի 1-ին, հասավ 7 միլիարդ 444 միլիոն 443 հազար 881-ի: Այս կանխատեսմամբ, դեռեւս անցյալ տարվա դեկտեմբերի 28-ին, հանդես էին եկել ԱՄՆ-ի Մարդահամարի բյուրոյի մասնագետները: Նրանք տարածված հայտարարության մեջ նշում են, որ, ընթացիկ տարվա հունվարի 1-ի համեմատությամբ, Երկրի բնակիչներն ավելացել են 78,5 մլն մարդով: Աճը

կազմել է 1,07 տոկոս: Սպասվում է, որ գալիք տարվա հունվարին յուրաքանչյուր վայրկյան լույս աշխարհ կգա 4,3 երեխա, կմահանա 1,8 մարդ: Ավելի վաղ՝ Բյուրոն կանխատեսել է, որ 2050 թվականին աշխարհում կլինի 9 մլրդ մարդ: 11-րդ դարի սկզբին՝ Երկրի վրա ապրում էր 310 մլն մարդ, 1900 թվականին՝ 1,6 մլրդ մարդ: 6 միլիարդի նշագիծը հաղթահարվել է 1999 թվականին: Մոլորակի բնակչությունը 7 միլիարդի է հասել 2011 թվականին: ԱՄՆ-ում, հունվարի 1-ին, բնակչության թվաքանակը կկազմի 326,97 մլն, ինչը 2,3 միլիոնով ավելի է՝ անցնող տարվա հունվարի 1-ի համեմատությամբ:

ԹԵՎԱՎՈՐ ԽՈՍՔԵՐ՝ ՄԻՐՈՒ ՄԱՍԻՆ



Տե՛վ սիրել, ե՛լ իմաստուն լինել՝ անհնարին է: Սիրո համար բաժանումը նույնն է, ինչ կրակի համար՝ քամին, թույլը մարում է, ուժեղը՝ բորբոքում: Ով գրում է սիրո մասին վսեմ եւ մաքուր, արյան մեջ նա հուզումներ չի հարուցում: Սիրո սափորի մի քանի ունպով՝ բնությունը հատուցում է դժ-

վարին կյանքի բոլոր չարչարանքները: Սիրել՝ նշանակում է դադարել համեմատել: Սերը, դա մի սրտից մյուս սիրտը տանող ամենակարճ ուղիղ գիծն է: Սիրել՝ նշանակում է տալ եւ ոչ թե վերցնել: Սիրել՝ նշանակում է գործել: Սերը մեկն է այն տառապանքներից, որոնք անհնարին է թաքցնել. մի բառ, մի անգույշ հայացք եւ նույնիսկ լռությունը՝ բավական է այն մատնելու համար: Նրանք, ովքեր սիրում են՝

կա՛մ ոչինչ չեն կասկածում, կա՛մ էլ կասկածում են ամեն ինչ: Սիրահարվածները նման են լուսնոտներին, նրանք տեսնում են ոչ միայն աչքերով, այլեւ՝ ամբողջ մարմնով: Սերը հաճախ խլում է բանականությունը նրանից, ով ունի, եւ տալիս է նրան, ով չունի: Սիրել՝ նշանակում է ապրել սրտով: Աշխարհում չկա ավելի քաղցր երաժշտություն, քան սիրելիի ձայնը: Սիրող մարդու գայրույթը կարճատե է:

ԱՆԵԿԴՈՏՆԵՐ

Եթե ասեք մյուս երկուսի ամուլը, ապա այսօրվանից՝ առանց նրանց ծառայությունների յուրա կգնամ: Հայտարարություն. «Արագ, առանց վիրահատության, խելամիտ գնով կփոխեմ ձեր տարիքն ու սեռը»: Անձնագրային բաժնի աշխատակցուհի: Իմացե՛լ ես, մեր կողմերում մի գիշատիչ թռչուն ա հայտնվել, անուրձե՛ր դելտապլան: Նայե՛մ տեսնե՛մ՝ սարիցը թռավ, մարդուն էլ հետը տարավ: Վեց անգամ կրակեցի, մինչեւ խեղճիմ բաց թողեց... Դուք կրթված երիտասարդ եք, ինչո՞ւ եք դիմել հեքիմի, ի՞նչ ապուշություն է խորհուրդ տվել: Ասաց, որ դիմեմ Ձեզ... Վաղը գալու ենք քեզ ուզելու: Վերապե՛ս... հերս 2 ամիս ա մաքուր շորեր ա հագնում... Աշխատանքի ժամին ո՛ւր էիր կորել: Ձեզ էի փնտրում՝ ընկեր Ղազարյան:

ՀԱՅԱՍՏԱՆ - ԱՐՑԱԽ. Փաստեր, իրադարձություններ

«ՎՐԱՍՏԱՆԻ», ԱՐՄԵՆՊՐԵՍԻ, ՊԱՆԱՐՄԵՆԻԱՆԻ ԵՎ ԿԱՎԿԱԶՊՐԵՍԻ ՆՅՈՒԹԵՐՈՎ

ՍՏՈՐԱԳՐՎԵՑԻՆ ԵՐԿԿՈՂՄԱՆԻ ՀԱՄԱԳՈՐԾԱԿՑՈՒԹՅԱՆ ԽՈՐԱՑՄԱՆ ՀԱՄԱՁԱՅՆԱԳՐԵՐ



Հայաստանի նախագահի նստավայրում, Բուլղարիայի նախագահի պաշտոնակատար Բոլդարիայի միջին մի շարք ոլորտներում երկկողմ համագործակցության ընդլայնմանն ու

Փետրվարի 12-ին պետական այցով Երևանում էր գտնվում Բուլղարիայի նախագահի Ռուսեն Ռադելը:

դիմավորումից հետո, կայացավ Սերժ Սարգսյանի և Ռուսեն Ռադելի առանձնազրույցը, ապա ընդլայնված կազմով բանակցություններ երկու երկրների պատվիրակությունների մասնակցությամբ, որից հետո տեղի է ունեցել Հայաստանի և Բուլղարիայի խորացմանն ուղղված փաստաթղթերի ստորագրման արարողություն: Սերժ Սարգսյանը և Ռուսեն Ռադելը հանդիպման արդյունքներն ամփոփել են զանգվածային լրատվամիջոցների ներկայացուցիչների առջև հայտարարություններով: Հայաստանի և Բուլղարիայի նախագահները պատասխանել են նաև լրագրողներին հետաքրքրող հարցերին:

խորացմանն ուղղված փաստաթղթերի ստորագրման արարողություն: Սերժ Սարգսյանը և Ռուսեն Ռադելը հանդիպման արդյունքներն ամփոփել են զանգվածային լրատվամիջոցների ներկայացուցիչների առջև հայտարարություններով: Հայաստանի և Բուլղարիայի նախագահները պատասխանել են նաև լրագրողներին հետաքրքրող հարցերին:

850 ՄԻԼԻՈՆ ԳՈՒՄՐԻ ՆԵՐՂՈՒՄՆԵՐԻ ՇՐՈՋՆԵՐԸ ԿՍՏԱՐՎԵԼ ԵՆ

Հայաստանի վարչապետ Կարեն Կարապետյանը վստահեցնում է, որ, իր ակնկալած 830-840 միլիոն դոլարի ներդրումները Հայաստանում, կատարվել են: Ազգային շողովում, կառավարության հետ հարցուպատասխանի ժամանակ վարչապետը ընդգծեց, որ տվյալներն արդեն ամփոփել են և նշեց, որ 856 դոլարի ներդրում Հայաստանում կատարվել է, որից 580 միլիոն դոլարը մասնավոր սեկտորից է:

«Բացի այդ, մենք արդեն ամփոփել ենք տարածքային կառավարման նախարարության տվյալները՝ մարզերում արված ներդրումների վերաբերյալ: Մարզերում 190 միլիարդ դրամի ներդրում է կատարվել, որը դուրս է այդ 856 միլիոն դոլարի ներդրումներից»,- նշեց վարչապետը:

Հայաստանի վարչապետը նշեց նաև, որ 2017թ. Հայաստանից արտահանումն աճել է 43.3 տոկոսով, որից 19 տոկոսը՝ ԵԱՏՄ երկրներ, մնացածը՝ այլ երկրներ: 55.8 տոկոսով էլ աճել է ներմուծումը, որից 19 տոկոսը ԵԱՏՄ երկրներից, մնացյալը՝ այլ երկրներից:

ԲԵՆԱԳՈՒԹՅԱՆ ԱՎԱՆՈՒՄԵՐԻ ԾԱՎԱՆ ԱՎԵԼՈՒՄ Է

Հայաստանի բանկերում բնակչությունից ներգրաված ավանդների մնացորդը՝ 2017թ. դեկտեմբերի վերջին, կազմել է 1.3 տրիլիոն դրամ: Հայաստանի ազգային վիճակագրական ծառայության տվյալներով՝ 2017-ի նոյեմբերի համեմատ՝ ավանդներն աճել են շուրջ 69 միլիարդ դրամով կամ 5.4 տոկոսով, իսկ 2016-ի դեկտեմբերի համեմատ՝ 195.353 միլիարդ դրամով կամ 16.9 տոկոսով: Բանկերում ընդհանուր ավանդները կազմում են 2 տրիլիոն 624 միլիարդ 592 միլիոն դրամ, 2016-ի դեկտեմբերին այն եղել է 2 տրիլիոն 436 միլիարդ 081 միլիոն դրամ, աճը կազմում է շուրջ 8 տոկոս: Ընդհանուր թվից 2.1 տրիլիոնը Հայաստանի ռեզիդենտներից ներգրավված ավանդներն են, 518.5 միլիարդ դրամը՝ ոչ ռեզիդենտներից: Ռեզիդենտների կողմից ներդրված ավանդների շուրջ 1.2 տրիլիոն դոլարը արտարժույթով է, 933 միլիարդը՝ Հայաստանի դրամով:

ՄԵՎՍԵՆ ԱՅԻ ՄԱԿԱՐՈՒՄԸ ԵՎՈՅՈՒՄ Է

Մեւանա լճի մակարդակը, նախորդ տարվա փետրվարի առաջին օրերի համեմատ, արդեն նվազել է 4 սանտիմետրով: Ինչպես տեղեկացրին «Հայիդրոմետ» ծառայությունից, 2018 թվականի փետրվարի 4-ի դրությամբ՝ Մեւանա լիճը ծովի մակարդակից գտնվել է 1900 մետր 41 սանտիմետր բարձրության վրա, ինչը 4 սանտիմետրով պակաս է նախորդ տարվա նույն օրվա նիշից: Մեւանա լճի մակարդակի նվազման պատճառը, Գեղարքունիքի մարզպետարանի աշխատակազմի գյուղատնտեսության և բնապահպանության վարչության պետ Համբարձում Համբարձումյանը, հիմնականում պայմանավորեց ցրի սակավ մուտքերով:

ՔՆՆԱՐԿՎԵՑԻՆ USAID-Ի ՀԵՏ ԳՈՐԾԸՆԿԵՐՈՒԹՅԱՆ ԱՌԱՋՆԱՐԵՐԹՈՒԹՅՈՒՆՆԵՐԸ

Հայաստանի վարչապետ Կարեն Կարապետյանի գլխավորությամբ տեղի է ունեցել՝ ՀՀ կառավարություն-ԱՄՆ ՄԶԳ համագործակցությանը նվիրված շնորհանդես-քննարկում՝ Հայաստանում ԱՄՆ դեսպան Ռիչարդ Միլսի, ԱՄՆ Միջազգային զարգացման գործակալության (USAID) հայաստանյան առաքելության տնօրեն Դեբորա Գրիսերի, ԱՄՆ ՄԶԳ աշխատակազմի և պետական մի շարք գերատեսչությունների ղեկավարների մասնակցությամբ:



Երեխաների պաշտպանության, քաղաքացիական հասարակության, մարդու իրավունքների, կոռուպցիայի դեմ պայքարի և հումանիտար ոլորտներում ծրագրերի իրականացմանը:

Ամփոփելով մտքերի փոխանակումը կառավարության ղեկավարը նույնպես շնորհակալություն է հայտնել ԱՄՆ գործընկերներին՝ տպավորիչ համագործակցության համար, որի արդյունքում արձանագրվել են շոշափելի արդյունքներ:

ԱՄՆ ՄԶԳ հայաստանյան առաքելության տնօրեն Դեբորա Գրիսերը ներկայացրել է իրականացվող ծրագրերի ցանկը և հիմնական արդյունքները՝ նշելով, որ USAID-ի հիմնական նպատակն է՝ սատարել Հայաստանում տնտեսական աճի ապահովմանը: Տնտեսական աճի ապահովմանն ուղղված ծրագրերը հիմնականում իրականացվում են էներգետիկայի, գյուղի զարգացման, տեղեկատվական տեխնոլոգիաների, քրային ռեսուրսների բնագավառներում, իսկ ժողովրդավարության և կառավարման ոլորտում համատեղ աշխատանքները միտված են վարչատարածքային,

ՄԻՋՈՑԱՌՈՒՄՆԵՐ՝ ՈՒՂՂՎԱԾ ՄԻՋԱԶԳԱՅԻՆ ՎԱՐԿԱՆԻՇԵՐՈՒՄ ՀԱՅԱՍՏԱՆԻ ՑՈՒՑԱՆԻՇՆԵՐԻ ԲԱՐԵԼԱՎՄԱՆԸ

Հայաստանի թվային փոխակերպման ներկայիս միջազգային վարկանիշային ցուցանիշները, Հայաստանի վարչապետ Կարեն Կարապետյանի գնահատմամբ, բավարար չեն, ինչը հատկապես պայմանավորված է անհրաժեշտ ամբողջական վիճակագրական տվյալների և մշտադիտարկման գործիքակազմի բացակայությամբ:

գործողություններ՝ ուղղված միջազգային թվային վարկանիշերում հայաստանյան ցուցանիշի բարելավմանը և առաջընթացի ապահովմանը, 1-ամսյա ժամկետում ամփոփել են արձանագրել առաջիկայում թվայնացման ենթակա առաջնահերթային պետական ծառայությունների շրջանակը, և դրանք ներկայացնել կառավարության աշխատակազմ:

Հաշվի առնելով վերոնշյալը՝ վարչապետը, հանրապետական գործադիր մարմինների ղեկավարներին և «Թվային Հայաստան» հիմնադրամի գործադիր տնօրենին, հանձնարարեց՝ 2-ամսյա ժամկետում գույքագրել և մշակել կոնկրետ

«ԳՅՈՒՄՐԻՆ ԱՌԱՆՑ ՏՆԱԿՆԵՐԻ»

ձեռք է գոյապայքար: «Գյումրին առանց տնակների» հիմնադրամի առաքելությունն է՝ նպաստել Գյումրիում ժամանակավոր կացարան-տնակներում բնակվողների կեցության բարելավմանը, Գյումրին տնակներից ազատելուն՝ հանրային իրազեկության և ակտիվության բարձրացմամբ, բնակարանային հիմնախնդրի լուծման այլընտրանքային ռազմավարությունների կիրառմամբ, Հայաստանի, Սփյուռքի շահագրգիռ այլ

անձանց ու կառույցների ներուժի ներգրավմամբ և համայնքմամբ: Հոգաբարձուների խորհրդի նախագահն է ՀՎԵ Շիրակի թեմի առաջնորդ Միքայել Եպիսկոպոս Աջապահյանը: Հիմնադրամի խորհրդի կազմում ձեռնավորվել են 3 հանձնախմբեր՝ մշտադիտարկման, հանրային կապի, միջոցների հայթայթման ու ֆինանսական կառավարման, և տարվում են ակտիվ աշխատանքներ՝ օր առաջ Գյումրին տնակներ

1988թ. արեւելի հետեւանքով Հայաստանի Հանրապետության երկրորդ քաղաք Գյումրին (նախկինում՝ Լենինական) ավերվեց: Անցել է շուրջ 30 տարի, սակայն Գյումրիում դեռևս շուրջ 2500 ընտանիք ապրում են ժամանակավոր կացարաններում տնակներում: Տարիների ընթացքում քայքայված և կիսախարխուլ տնակներն այլևս պիտանի չեն բնակության համար: Կենցաղային տարրական պայմաններից զուրկ տնակներում ապրող ընտանիքների համար՝ կյանքը դար



ԾՆՈՒՆԴՈՎ ԹԲԻԼԻՍՅՈՒՆԻ, ՃԱՆԱԶՎԱԾ ԱՐՁԱԿԱԳԻՐ ԳՈՒՐԳԵՆ ԽԱՆԶՅԱՆԸ՝ ՀԱՅԱՍՏԱՆԻ ՊԵՏԱԿԱՆ ՄՐՃԱՆԱԿԻ ԴԱԹՆԵԿԻՐ

Հայաստանի նախագահի նստավայրում տեղի ունեցավ Հայաստանի պետական մրցանակների հանձնման հանդիսավոր արարողություն: Արվեստի, գիտության և մշակույթի ոլորտներում աչքի ընկած գործիչներին մրցանակը հանձնեց Հայաստանի նախագահ Սերժ Սարգսյանը:

Գրական ոլորտում 2017 թվականի պետական մրցանակի են արժանացել նաև կոմպոզիտոր Էդուարդ Հայրապետյանը («Կոնցերտ դաշնամուրի համար սիմֆոնիկ նվագախմբի հետ»), «Կյանք ու կռիվ» խաղարկային ֆիլմի ստեղծագործական թիմի մի խումբ անդամներ՝ ռեժիսոր Միքայել Մկրտչյանը, օպերատոր Վահագն Հակոբյանը, դերասան

Սամվել Թադևոսյանը, պրոդյուսերներ Ռուբեն Ջաղինյանն ու Կարեն Ղազարյանը: Ճարտարապետության և քաղաքաշինության բնագավառում 2017 թվականի պետական մրցանակ է շնորհվել՝ Վանաձոր քաղաքի բժշկական կենտրոն համալիրի համար, ճարտարապետներ Սարգիս Սարգսյանին, Ռուզաննա Մամյանին, ճարտարագետ Լեւոն Ազնավուրյանին (Նետմահու), շինարար Սուրեն Հակոբյանին: «Տուր ձեռքը, պստլո» վեպի համար, գրականության և հրապարակախոսության բնագավառում, 2017 թվականի պետական մրցանակի արժանացած գրող Գուրգեն Խանջյանը ստեղծագործելու իր այլընտրանքային ազդակներն ունի և ար

դեն աշխատում է նոր վեպի վրա: Հայաստանի նախագահի ձեռքից մրցանակն ստանալուց հետո՝ գրողը նշեց, որ, ավելի քան երեք տարի, աշխատել է մրցանակի արժանացած ստեղծագործությունն ամբողջացնելու ուղղությամբ: «Այս գրքում կենսագրական մասը շատ է, այն մի քիչ երկար գրվեց՝ երեք տարում, մտորումներով, մարտելու բաներ կային: Առաջիկայում, բայց ոչ շուտ, նոր վեպ կլինի, սկսել են արդեն աշխատել: Կլինեն պիեսներ: «Համազգային» թատրոնը բեմադրում է, մյուս տարի գուցե լինի պրեմիերան: Ֆրանց Կաֆկայի «Դատավարություն» վեպի իմ պիես դարձրած տարբերակն է»,- ասաց գրողը:

հրապարակախոսության ոլորտում պետական մրցանակի է արժանացել ծնունդով թբիլիսցի, Թբիլիսիի Սվանթեթի թաղամասում, Ներսիսյան դպրոցի մոտակայքում գտնվող թիվ 34 հայկական դպրոցի շրջանավարտ Գուրգեն Խանջյանը՝ «Տուր ձեռքը, պստ

ԵԿԵՂԵՑԱԿԱՆ

ՆՈՐ ՆՇԱՆԱԿՈՒՄ ՎԻՐԱՅԱՅՈՑ ԹԵՄՈՒՄ



2018 թվականի փետրվարի 14-ին, Վիրահայոց թեմի գործող եկեղեցիներում, Տեառնընդառաջի տոնի առիթով, Խորանի բաց վարագույրների առջև, մատուցվեց տոնական Սուրբ Եւ Ամմահ պատարագ:

Թբիլիսիի Սուրբ Գեորգ առաջնորդանիստ եկեղեցում, Վիրահայոց թեմի առաջնորդ Տեր Վազգեն եպիսկոպոս Միրզախանյանի հանդիսապետությամբ, Սուրբ պատարագ մատուցեց նորասօծ Տեր Կիրակոս քահանա Սիմոնյանը:

Նորանշանակ Տեր Կիրակոս քահանա Սիմոնյանը, Վիրահայոց թեմի առաջնորդի տնօրինությամբ, նշանակված է Թբիլիսիի Սուրբ Գեորգ առաջնորդանիստ եկեղեցու հոգևոր հովվի օգնական, ինչպես նաև հոգևոր տեսուչ՝ «Հովհաննես Թումանյանի տուն» գիտական, մշակութային կենտրոնում:

Տեր Կիրակոս (ավագանի անունը՝ Սահակ) քահանա Սիմոնյանը 27 տարեկան է, ծնվել է Ախալցխի շրջանի Մեծ Պամաճ գյուղում: Սովորել է Փոքր Պամաճ գյուղի միջնակարգ դպրոցում, ապա՝ Սեւանի Վազգենյան դպրանոցում, Մայր Աթոռ Սուրբ Էջմիածնի Գեորգյան հոգևոր ճեմարանում:

2011 թվականին ձեռնադրվել է սարկավագ:

Ծառայել է Երեւանի Սուրբ Գրիգոր Լուսավորիչ Մայր եկեղեցում՝ որպես սարկավագ:

2017 թվականին ձեռնադրվել է քահանա:

Ամուսնացած է: Ունի մեկ տղա:

ՖՈՒՏԲՈՒԼ

ՄՏԱՅԻՐ «ԵՐԿՐՊԱԳՈՒԻ ԱՆՁՆԱԳԻՐ» ԵՎ ԴԻՏԻՐ ԱՆԽԱՐՀԻ ԱՌԱՋՆՈՒԹՅԱՆ ԽԱՂԵՐԸ



Ռուսաստանում անցկացվելիք 2018 թվականի աշխարհի ֆուտբոլի առաջնության խաղերը դիտելու համար, առանց այցեզրի Ռուսաստան մեկնելու հնարավորություն է ընձեռնվում:

Այդ մասին ասված է երկրպագուների համար մշակված «Աշխարհի առաջնության կազմակերպչական կոմիտեի welcome 2018 come» կայքէջում: Հետևաբար, Վրաստանի քաղաքացիները եւս կարող են, առանց այցեզրի գտնվել Ռուսաստանում: Ինչպես նշված է տեղեկատվության մեջ, անայցեզրային մուտքի համար ֆուտբոլի երկրպագուներ պետք է ունենան միայն կոմերտ խաղի տոմսը եւ երկրպագուի նոր «երկրպագուի անձնագիրը» (FANID): Երկրպագուի քարտը կհանձնվի կոմերտ անձին, այն պարտա-

դիր է ֆուտբոլի հանդիպմանը ներկա գտնվելու ցանկություն ունեցող յուրաքանչյուրի, այդ թվում՝ նաև Ռուսաստանի քաղաքացիների եւ երեխաների համար:

«Երկրպագուի անձնագիրը» օտարերկրացիներին տրամադրում է անայցեզրային մուտքի իրավունք: Այն մեկ անգամ ստանալով, անձը կարող է ներկա գտնվել առաջնության այն բոլոր խաղերին, որոնց տոմսերը նախօրոք էր գնել: Հատկանշական է, որ «երկրպագուի անձնագիր» կարելի է ստանալ ինչպես համացանցով (պաշտոնական կայքով), այնպես էլ՝ Ռուսաստանի քաղաքներում բացված հատուկ կենտրոններում:

ԱՎԱՆԴԱԿԱՆ

ՀԱՐԻՍԱՅԻ ՓԱՌԱՏՈՆ ՎԻՐԱՅԱՅՈՑ ԹԵՄՈՒՄ



2018 թվականի փետրվարի 11-ին, Հայ Առաքելական Սուրբ եկեղեցու տոնացույցով, նշվեց Բուն Բարեկենդանը: Մեծ Պահքին նախորդող տոնական օրը Վիրահայոց թեմի գործող եկեղեցիներում մատուցվեց Սուրբ Եւ Ամմահ պատարագ:

Երգչախումբը, «Տարոն» եւ «Վանք» պարային համույթները, դիոլի եւ դուդուկի խմբերը, «Շուշանիկ» միության անդամները, բազում կամավորներ:

Բուն Բարեկենդանին էր նվիրված նաև Հարիսայի շաբաթ-փառատոնը, որը, Վիրահայոց թեմի առաջնորդարանի աջակցությամբ, կազմակերպել էր Վրաստանի հայ կանանց «Շուշանիկ» միությունը: Թբիլիսահայ համայնքում գեղեցիկ ավանդույթ դարձած այս փառատոնը կազմակերպվում է արդեն վեցերորդ անգամ: Տարեցտարի ընդարձակվելով, այն վեր է ածվել ժողովրդական տոնահանդեսի, այս անգամ արդեն դարձել թեմական միջոցառում, ուր տեղի է ունենում խմբովի հյուրասիրություն ազգային ճաշատեսակով:

Բուն Բարեկենդանին նախորդող շաբաթվա ընթացքում հարիսայի փառատոներ անցկացվեցին Վրաստանի հայաբնակյա շրջաններում ու գյուղերում: Ջավախեթիում հյուրասիրությունն անցնուրեք ուղեկցվում էր Նասլեթ Քեչյանի ղեկավարած «Վաչիան» ազգագրական համույթի եւ պարուսույց Լուսինե Մզիկյանի «Նահրի» պարային համույթի երգերով ու պարերով:

Փետրվարի 11-ին տեղի ունեցավ փառատոնի եզրափակիչ փուլը, եւ այն իսկական տոնահանդեսի վերածվեց Թեմի եկեղեցիների բակերում ու նրա հովանու ներքո գործող կենտրոններում:

Թբիլիսիում, հարիսայի փառատոնին մասնակից էին դարձել Սուրբ Գեորգ եկեղեցու եկեղեցասեր կանանց միությունը, «Վրաստան» թերթի խմբագրությունը, Թեմի «Սբ. Մովսես Խորենացի» նախակրթարանը, «Հայարտուն» կենտրոնի «Սբ. Ներսես Շնորհալի»

միության անդամները, բազում կամավորներ:

Բուն Բարեկենդանի տոնակատարությանը ներկա էին Վրաստանի խորհրդարանի պատգամավոր Դավիթ ճիճինաձեն, Իսամի շրջանային վարչության նախագահ Կախա Լաբուչիձեն, փոխնախագահ Գիորգի Ռչելուլիշվիլին, Իսամի շրջանային սակրեբուլոյի անդամ Իլիա Ջիշկարիանին, «Վրաստան» թերթի խմբագիր Վան Բայբուրջյանը, քաղաքի սակրեբուլոյի, ժողովրդական պաշտպանի գրասենյակի ներկայացուցիչներ, հյուրեր:

Վրաստանում Հայաստանի արտակարգ եւ լիազոր դեսպան Ռուբեն Սադոյանը եկել էր տիկնոջ, դեսպանության աշխատակազմի հետ՝ բերելով իրենց պատրաստած հարիսան:

Իր օրհնաբեր ներկայությունն էր բերել Վիրահայոց թեմի առաջնորդ Վազգեն եպիսկոպոս Միրզախանյանը:

Բուն Բարեկենդանի տոնը հարիսայի փառատոնով եւ ժողովրդական մեծ տոնահանդեսով նշվեց նաև Վիրահայոց թեմի Ախալքալաքիի Սուրբ Խաչ եւ Ախալցխիի Սուրբ Գրիգոր Լուսավորիչ կենտրոնական եկեղեցիներում, Բաթումի Ալեքսանդր Մանթաշյանց, Ռուսթավիի Սուրբ Գրիգոր Նարեկացի, Նինոսմիդայի Ռաֆայել Ջավախ հոգևոր, կրթամշակութային եւ երիտասարդական կենտրոններում: Մինչեւ ուշ ամենուրեք թեւածում էր Բուն Բարեկենդանի եւ անուշաբույր հարիսայի պարզեւած ուրախ տրամադրությունը:

Table with 6 columns and 10 rows containing numbers 1 through 58.

Խ Ա Չ Բ Ա Ռ

ՀՈՐԻՉՈՆԱԿԱՆ. 7.Հեծյալ գործանա՝ գերի եւ ավար բերելու համար: 9.Յար: 10.Ազգ Իսպանիայում: 11.Սերբիայի մայրաքաղաքը: 13.Հայ փիլիսոփա, հասարակական-եկեղեցական գործիչ ... Կողբացի: 16.Ծովափնյա առողջարան ՌԴ-ում: 17.Մարդկանց խումբ, որը իրականացնում է ընդհանուր գործողություն: 19.Անկասկած: 22.«... վրա, Քեռի Քուչի»: 24.Նշանավոր շվեդ ռեժիսոր եւ գրող ... Բերգման: 25.Հայկական ֆուտբոլային թիմ: 27.Միջնադարյան խոշոր վանքային համալիր Հայաստանում: 29.Արեւելյան որոշ ժողովուրդների՝ տղամարդկանց եւ կանանց գլխի փաթեթ: 32.Ջրաներկ: 33.Ուկրաինացի կոմպոզիտոր Պավել ...: 35.Թույլ, դժգույն: 37.Պտուղների հատիկաձեւ սերմերը: 39.Կոնդակ, գրություն: 40.Խաչածաղկավոր բույս: 43.Բացի ասվածից՝ որոշվածից: 44.Վրացի դերասան ... Աբաշիձե: 47.Ոչխարի բուրդ: 49.Սիրեցյալ: 50.Եվրամիության անդամ երկրների դրամական միավորը: 53.Ներքեւ (հակ.): 54.Սապատավոր կենդանի: 55.Վրան աղ քսել: 57.Էլեկտրո-

նային հաշվիչ մեքենա: 58.Քաղաք Թուրքիայում: ՈՐՂՈՍՆԱՅՆ. 1.Հետեւել: 2.Պարատեսակ: 3.Ամբողջ Վրաստանում Ախալցխիում: 4.Ոսկուց պատրաստված: 5.Հավատ, դավանանք: 6.Գնդի նման հավաքված՝ փաթաթած բան: 8.Քաղաք եւ նավահանգիստ Իսպանիայում: 12.Լողող մարդու քայլ: 14.Տավարի ծնկի ոսկոր: 15.Գաղափար: 18.Աշխարհամաս: 19.Կոպիտ, անտաշ: 20.Թխվածք: 21.Մարդու երեսի մազը: 23.Ներմուծում: 26.Եւ մկար, եւ գործվածք: 28.Այն, նա (արեւմտ.): 29.Մոնթե Մելքոնյան: 30.Օղի (ժող.): 31.Ջրապտույտ, հորձանուտ: 34.Մեքենա, որը ուրիշ մեքենա է քաշում, քարշան: 36.Անճոռնի, անձեւ: 38.Փոքր Արարատ: 41.Հուղարկավորություն (ժող.): 42.Հունաստանի ամենախոշոր եւ Միջերկրական ծովի մեծությամբ հինգերորդ կղզին: 45.Կարուձեւ անող արհեստավորի զենքերից: 46.Որեւիցե: 48.Արաքս, Երասխ: 51.Ողմաշար, ողմոսկր: 52.Դեռ (ժող.): 56.Արի:

Կազմեց ԷԼԼՍ ԱԹԱՐԵԿՅԱՆԸ

ՆԱԽՈՐԴ ՀԱՄԱՐԻ ԽԱՉԲԱՌԻ ՊԱՏԱՍԽԱՆՆԵՐԸ

ՀՈՐԻՉՈՆԱԿԱՆ. 1.Հրազդան: 5.Կոմիտաս: 9.Մոպասան: 10.Ուրց: 11.Դար: 12.Այն: 14.Սամվել: 17.Ալ: 18.Աստրա: 20.Ար: 22.Ծերեմ: 23.Անրակ: 26.Տրե: 28.Այր: 30.Նոդար: 32.Արտակ: 35.Այն: 37.Եր: 38.Ասա: 39.Նուռ: 40.Սին: 42.Նախնա: 43.Դիանա: 44.ԱՄՆ: 45.Ավել: 46.Ես: 47.Նյու: 49.Սան: 53.Կարլ: 55.Կարս: 56.Մյանմա: 57.Պեպո: 58.Իր: 59.Շերամ: 60.Սիմաս: ՈՐՂՈՍՆԱՅՆ. 1.Համաստեղ: 2.Ամպամած: 3.Դեստե: 4.Նոնա: 5.Կռունկ: 6.Մեց: 7.Տրդատ: 8.Սարյան: 13.Կանցլեր: 15.Կրեժ: 16.Լաերո: 19.Սիրիա: 21.Մադրաս: 24.Կորյուն: 25.Օղեսա: 27.Րաֆֆի: 29.Յանիկյան: 30.Նարդոս: 31.Արինա: 33.Տարաս: 34.Կանն: 36.Նռան: 41.Նավակ: 47.Նկարի: 48.Ուրմիա: 50.Աբել: 51.Արոր: 52.Ամպ: 54.Լարս:

Խմբագիր՝ ՎԱՆ ԲԱՅԲՈՒՐԹՅԱՆ

Մեր հասցեն՝ Թբիլիսի 0105 Գ.Աթոնելի փ. 5 Հեռ. 2990-739, 2990-774 www.vrastan.ge E-mail: vrastan@caucasus.net

Գրանցման վկայական № 4 4 - 1439 «ԿՈԼՈՐ» հրատարակչություն

«ВРАСТАН» Тбилиси, Грузия <VRASTAN> Georgia, Tbilisi Индекс 66445